


浙江圖書館

811.1087
2162.3



浙江圖書館



浙江圖書館



浙江圖書館



浙江圖書館



浙江圖書館

鄂韡聯吟處題贈錄


詩

錢唐何 琪東甫

圖中突兀兩荆樹接葉交柯豈無故和氣所感信
 有之誰謂草木頑無知清晨剝啄誰叩戶有客手
 攜一卷詩纏緜悱惻本至性友愛如君見亦僅同
 盤共食年復年時時風雨聯牀眠妻子熙熙雞犬
 樂從教負郭貧無田想見幽居饒水竹何似檀橋
 之瓦屋一句之文必共賞一字之書必共讀

見王語

題贈錄 詩



傳微君家人物稱五常詞藻由來各擅長何時買舟
一相訪澈浦山水同翱翔但愁老去才力弱敢與
詩虎爭雄強一事庶幾愜所願嘉樹聯芳得親見
應比圖中更蔥蒨

秀水朱休度梓廬

何彼穠英宛宛垂春風巧結没人知異於田氏重
榮樹繪出姬公小雅詩行葦愁教兄弟遠此花看
到子孫宜自家尺布常縫好休遣鄰兒折一枝

海寧吳騫槎客

東鄰尺布難縫衣西鄰煮豆然豆其惟有田家荆
樹好枝葉何爲一夕槁抱頭感泣荆復榮萬萼元
來一本生我昨鴛鴦橋畔權日光映水花光耀欸
門惜未攜新篋看君弟勸與兄酬歸來忽復見此
冊邀我題詩情脈脈池塘半畝不須寬似有吟聲
徹夢闌還將常棣風人業傳至張公九世看

秀水計 楠惕盦

株株瓊樹愛餘光開遍春風滿院香雙李集成看
次第二蘇才好共平章黃花籬落同傾酒碧草池

塘想對牀一自聯珠傳誦後畫圖省識讀書堂

嘉魚張宗軾柳溪

人生天地間唯此達道五物則暢由庚盤根託君
父忠孝扶兩大經義炳千古移孝以作忠圭璧搜
編戶友乃孝之符彙倫此攸叙我抱學製慚承乏
來斯土願將孝友風遠近扇衡宇卓哉馬氏良壘
簾叶芳譜交幹結綺柯家有連枝樹妙手圖其真
翰墨傾肺腑誇彼田荆花和氣四時煦春水鴛鴦
橋秋雲鴻鴈序皎皎白眉人依依蕙蘭圃安得武

原中如靳諧舞若徒工藻績我亦何所取名教
洵有功綴詞喜翫縷克紹文獻傳竹素垂秘府愿
慤追伏波訓行率乃祖他日遇輪軒簪筆待揚詡

海鹽張鶴徵鷗舫

棣華韡韡列書楹坐向春風句共賡可似玉溪好
兄弟他年編集定齊名

求友無如弟與昆壘篋遞唱對家園偏教展卷增
新感羨爾鴿原好細論

石門顧修棗崖

仙風靄靄鶴鳴松
棣萼樓頭不易逢
兄弟蘭言真樂事
墨花香澹味偏濃

尺布何堪斗粟辭
傷心自古豆萁詩
才華那得荆花洽
羨煞君家樹兩枝

椿庭遺藁韻簫笙
姜被吟成金石聲
今日讀君詩與畫
壘篔簹叶奏見深情

仁和翟 元意圖

昔年讀君集見詩
未見人今日披君圖
詩與人俱真幽趣
寄瀟灑僻徑無囂塵
並坐松竹裏聯吟水

石濱家園好風月兄弟若主賓有酒卽酬倡無句
不清新具此天倫樂悠然自在身機雲翻不羨名
譽奚足珍圖中有詩意對之如飲醇何時共几席
得與詩人親

仁和魏成憲春松

脊令原上載飛鳴接葉駢柯是紫荆吹遍春風花
萼集人間重見玉溪生
書聲只在屋西東才力長鯨掣海中難得君家好
兄弟由來絳帳本扶風

昔年三徑過高車曾讀新詩抱樸居交到紀羣經

卅載又看秋水出芙蓉

抱樸居詩尊甫漁邨先生所著集也

海鹽孫映煜黼齋

鄂鞞聯吟日友于共篤時追隨敦手足唱和協壘

簾藻思輝黃絹聲名重白眉對牀懷夙昔風雨互

評詩

平湖伊 杓葭邨

尋詩忽到木蘭船

時君枉過水西樓見贈大集

老去還添文字

緣南國吟情芳草外西風鴻影小樓前家饒真樂

浮名薄春滿天懷韻事傳感我對牀人去後不堪
聽雨思年年

吳江宋景龢藍岑

玉溪華萼一編成寫出池塘夢裏情昨日因風勞
遠寄長天遙聽鴈鴻聲

風雨聯牀大小蘇吟情今又落橫湖少游安穩依
鄉里同氣同聲調不孤

歸安章光曾遂舫

橫湖春水綠迢迢兩岸菰蒲蕩客橈指點詩人住

何處鴛鴦橋與鷺鷥橋

荆樹垂垂春晝餘
馬家兄弟好齋居
何時載酒橫湖去
爲訪詩人舊草廬

平湖胡昌基石瀨

有客登我堂手持尺幅圖
自言家秦溪扶風舊門閭
庭前常棣樹雙幹交扶疎
聯吟偕予季終朝興不孤
吾聞麻潭櫟不材等散樗
題詩得二謝愛古猶歛歔
矧茲嘉樹蔭固由和氣濡
去夏誦新詩鼎鬻味已腴
君家墨麟翁騷壇拔蝥弧
太羹味無味

終遜抱樸居君今繼其美伯仲相友于表宅樹風
聲子子來干旃此圖慎什襲永作奕世模

嘉善黃凱鈞退葺

陸家住宅判西東田氏荆花歲歲紅却笑豆萁與
尺布何曾得見此高風

弟唱兄酬共一堂天倫樂事豈尋常脊令飛上庭
前樹定有和鳴互頡頏

嘉興金 蓀香谷

卓犖扶風子聲聞不過情少游真令弟新息是難

兄花到連枝好詩從對榻成他年傳盛事合許勝
田荆

桐鄉汪 淮小海

七十二峯裏峯峯橫白雲君家峯下住長嘯隔峯
聞茅屋俯春水荆花開夕曛前身自明月鸞鳳况
同羣

海鹽張學藉采田

一頃橫湖浩淼深結廬宛在水之溇唱酬自得幽
居樂人在春風花底吟

當年攜杖到君家一室周旋興不賒聞說過庭無
別訓學詩先教誦常華

海寧楊秉初書巢

鴛鴦橋畔縛茆齋銅鉢音圓競病諧舊咏已編花
萼集新詞重寫水松牌

蠻牋五色手三叉一片詩痕暈碧紗比與田家兄
弟好不教憔悴紫荆花

海寧曹宗載桐石

言陟食其山東望指橫湖中有兩居士行踪混樵

漁朝秉耒耕耒夜讀對牀書春山扶蠟屐秋風醉
莼鱸襟期溫以雅才華清且腴非嗣雲間陸定埒
眉山蘇迢遙武原水咫尺蓬蒿廬灼彼夫移花弈
弈輝階除畫史頗解事本意作新圖肫懷寫未盡
已足深感孚豆其傷同根角弓悲交瘵人孰無昆
弟涼薄咸嗟吁至性獨羨君深情敦友于壘篋協
吟社皎若雙驪珠怡然抱真趣刻畫終形模試問
鬪牆輩聞風知媿無

吳江郭 麇頻伽

結交滿四海非無奇偉人終緣意氣合不及骨肉
親骨肉同一氣至樂原天倫卽或異術業寧復別
愛嗔况此壘篋奏和聲門清新藏書一萬卷對牀
相主賓遂令凡草木肝鬩通精神嗟我及余季畧
逮文字津無奈迫衣食尊酒少同論亦有數篇詩
妄欲敝帚珍爨桐無奇音自笑如勞薪何時得休
息一洗衣上塵鴛鴦橋下宅兩家作比鄰

嘉興楊 蟠文樸

扶風兄弟今罕有力崇質樸敦孝友伯也締交氣

最投仲氏相逢情亦厚前者示我聯吟圖一再披
尋不釋手辱訪禾中幾度來屬題長句三歲久橐
凡三易字塗鴉童穉取之覆醬甌昨朝倏奉施君
少書轉索題辭如索負我方索居梧桐鄉臥痾匝
月肘生柳半生落拓復誰憐萬事因循徒自咎有
第壯歲客嶺表不得花時共杯酒鴻雁行中屢繫
懷脊令原上頻回首爭如君家棣萼枝葉葉花花
分左右春夢池塘夜聽雨壩吹在前簾和後食舊
德兮服先疇終歲不勞事奔走秧田倘肯租一畝

出願肩隨耕作耦添種紫茄兼白莧分食辰瓜與
夜非我補此詩抒胸臆已落宋元人科曰詩成得
償往年約頓使精神一抖擻以此報施酬馬君竊
附雙丁兩到之名同不朽

桐鄉曹三選扶谷

君家讀書處棠樹有連枝風雨寒相守年華慎自
持忘懷同宴坐佳興付新詩想見檐花發春光爲
爾遲

嘉興李 穀介石

庭雨鳴梧桐迢迢懷行役予季在遠方

時可園弟
方客清河

離思兩寥寂君詩惠然來開函展雙璧壘篋有餘
權春令常比翼同袍適天性安燠熙春澤棣萼忽
連枝和氣應嘉植草木本無知相感非朝夕以此
推物理頑懦化廉立讀罷思眇然看雲覓鴻迹

海鹽吳寧榕園

曾記輕航泊淺沙鴛鴦橋畔問君家春風踏遍池
塘草尋得田荆兩樹華

遠鴈如煙一縷斜停琴凝望隔天涯對牀他日聯

吟詠憶着雙丁亦吐葩

舍弟思亭遠游未歸故念及之

海鹽王 篋伊人

橫湖兄弟人中英不減當年鉅下之二卿溫潤無
殊金玉質皎潔如同冰雪清對牀風雨絕塵躅至
情欸欸通心曲草木無知若有知連理交柯感應
速春風淡蕩三月天荆花爛漫敷窗前兩枝照眼
一搖曳似與詩客爭鮮妍我來展對生欣羨玉溪
花萼今重見一燈話舊坐西窗賦就常華共歡宴

海寧鍾大源箬溪

東坡四海一子由對牀風雨相賡酬分飛奈與落花似逍遙堂畔生離愁人生至樂惟昆季况復緣深在文字誰解壘篋相應鳴春晨秋夕長聯袂披圖羨爾弟兼昆棠棣花前笑語溫曾讀風謠羞尺布每看枝葉念同根一雙斑管耽風雅莎坐落行吟阿跽拈韻先尋蘚石題成篇共擘蠻牋寫居然詩好比珠聯餐菊紉蘭字字妍最愛深情懸摯處分明小雅續新篇卽今流播驚人句不比尋常誇月露羣道扶風二妙詩足勝田氏三荆樹吟窩聞

說傍橫湖安隱年年鴈序俱爲問誰人無伯仲也
應珍重愛斯圖

武康徐熊飛雪廬

咫尺橫湖處士居水邊無恙舊茆廬碧桃春澗同
攜艇黃葉秋山對讀書

天涯飄泊懷兄弟讀書無端動別愁孤負茅堂未
歸去四山風竹雨鳴秋

海鹽朱瑞椿春山

抱樸詩人夙擅名嗣音羨爾弟兼兄春風坐咏連

枝好雛鳳清如老鳳聲

千里鄉關客夢遙何時歸權鷺鷥橋料知風雨池
塘夜茗椀爐香破寂寥

海寧陳敬璋半圭

維昔後漢元初時東平始聞木連理懿哉孝弟通
神明奇樹効珍乃若此華林橘柚樹駢枝潯陽芙
蓉花合體更有青城之竹挺雙莖鬱林珊瑚交柯
生許州甘棠尤表異亭育變化成休禎至性順德
垂千古感茲植物含敷榮扶風兩昆篤友愛明發

有懷體親志謝草田荆叶古歡姜被韋牀有真意
詩酒相娛追益公鄂韡聯吟傳勝事同懷異體結
同心一本雙枝原一氣人性自與物性通連理之
樹出芳叢駢枝合榦氣交鬯醞釀雨露披春風兩
家爨室列左右挺生此樹當其中我來睹此詫奇
絕古今瑞應將母同但願世世伯仲永協太和氣
會看根茂實遂不負造化功

仁和徐 鉞西澗

弟兄敦睦守遺經常棣交榮感物靈布被論詩窗

雨暗柴門攜手野烟青
集同李氏編花萼堂擬崔
家署德星一誦壘箴相和什
瓌才至性羨雙丁

石門施 嵩少峯

少游齒德舊推尊克篤天倫有後昆
詩可以興傳樂地樹猶如此仰名門
桐枝肯與韓家絜花萼堪同李氏論
想見倡酬心印處扶疎繞屋共晨昏
讓水廉泉路曲環善人天畀此身閒
繁陰不隔東西舍佳句長聯大小山
荆樹忍分憐薄俗椿株失蔭動愁顏
二難風調真難及我願追踪倘許攀

海鹽徐 銳鈍甫

春風昨夜來名花弄偏反連枝互掩映式好無胥
遠君家難兄弟聲華馳藝苑順德尤矯然淳風今
獨返一自歌鮮民友于彌繾綣唱酬每對牀詞意
清且婉予也隔帶水相見實恨晚今茲花正開旨
酒羅鱖鯁飛鳴聽脊令雅歌續小宛別去未能忘
但祝加餐飯

平湖高廷瓌春莫

誰家棣鄂紛葳蕤天然秀出橫湖湄一花仰跼一

花垂中有競爽雙白眉伯吹壘仲吹簾和鳴天籟
無參差聯珠有集華萼有詞藹藹至性突而過之
君不見海之角天之涯人生何處無別離羨君兄
弟常追隨上眎交翼鳥下撫連理枝繪取對牀風
雨時

嘉興錢天樹夢廬

荆樹紀前賢棠花今又見乃知真友于造物亦生
眷繆成連理枝要爲薄俗勸扶風有鸞鳳聯吟花
下戀伯也過訪余投詩豔東絹學深去浮誇調高

出研鍊雄談雜古今肝膽露顏面憐予少失怙
原動淒怨壯矣不如人年華激流電披君鄂鞞圖
一讀一生羨華萼與聯珠鼎足長留遠會當春水
生權訪償夙願握手及難弟論文共繾綣同室操
戈流聞此心應顫采風布絃歌國人皆曰善

海寧查人和藹亭

風月自千古何曾破一錢有生况兄弟無事不神
仙堂構先人業山林隔世緣庭前荆樹在慙我未
歸田

平湖高登奎復齋

當代論才子奔馳各絕塵
飛騰分道路蘊藉少丰神
鑿險詞驚俗傾筐腹饋貧
性情都自隱唱和孰堪親
不遇人如玉誰知德有鄰
扶風繁族系鄂韓寫天真
學自趨庭績詩緣味道淳
二難奇共賞一室敬如賓
風雨連牀夜鶯花觴酌晨
白眉名早播豔蕾瑞旋臻
氣感靈根植和嘘德里春
壘簾從迭叶篇什更生新
過我偏投契開編似飲醇
查梨聲藉藉竣測貌恂恂
雅韻流金石和聲浹齒唇
田家

荆愈茂李氏集偕陳每誦聯吟句彌懷對榻人橫
湖風景好擬欲共投綸

海鹽王綱季芳

吾鄉有兩李鵲起永樂年卜築近半邏兄弟競爭
妍南莊與西溪流傳多名篇遠追二陸踪近接雙
丁肩東海風雅林法乳有由先卓哉二馬君風流
並前賢對牀風雨夕得句必珠聯譬如常棣花鄂
跼鞞鞞然堦篋有至樂剝啄無塵緣笑吾章句學
久爲利名牽里有雄駿子不獲數周旋盈盈一水

隔訪戴呼無船披圖相晤對聊慰心旌懸

嘉興錢人杰藪盦

君家有鳥雙比翼君家有樹連理枝一夜東風放
華萼雙翎日日林間飛花開花落春無數和鳴髣
髴吹壘篋誰借江郎一枝筆爲君譜入常棣詩我
願此樹青蔥長不老好待鸞雛鳳子同巢栖君不
見田真兄弟不作孤飛鴈此情惟有庭中荆樹知

海鹽張嘉瑒鴻客

集蘭亭序字

賢哉同氣樂一室永相於內外情無異形骸趣不殊
林幽欣茂暢地靜足清娛俯仰觀今古於斯信有諸

春和咸在目觴咏自終年會叙猶今日興觀契昔賢
幽懷隨少長至樂合人天斯集同流覽臨風亦快然

仁和項 壩秋子

文人相輕本自昔施之骨月何以堪繩樞草舍比
太薄况乃投燭乘酒酣扶風二難有至性才高不

聞相校競家林無事互唱酬和若壘篋協神聽世
間手足盡如斯田荆千古無枯枝犯亂不作伯常
偃共臻元化超虞羲憐予子立少同氣披圖反顧
增嗟嘻他年珠橋重倚楫不獨來觀花萼集要看
瓏璣業傳門隔壁束帶家範存

蕭山韓慕嶸春艸

家學淵源信不誣眉山自昔重三蘇卽今抱樸長
吟處添寫棠花入畫圖

橫湖一覽景全收華萼相輝何處樓草舍自憐風

雨裏無人寄紙助添修

平湖陸坊埜橋

弟兄緣至性一體之所分胡然不相愛泛泛如途
人汲泉當思源種樹當思根根傷枝不繁源疏水
不渾吾友知其故門內吹簾壘一吹欽四鄰再吹
橫湖春彼哉百忍字大雅羞重論

金山莊一飛霞軒

風流誰比畫中人兄是東坡弟穎濱一樣庭前常
棣樹君家偏占十分春

新詩吟到夕陽西坐對黃鶯恰恰啼感我十年前
舊夢池塘春草綠初齊

平湖邵 澍子雨

鷺鷥橋外花深處寫出風人常棣篇想見山窗吟
夜雨秋聲驚起對牀眠

海鹽王 珊雪樵

抱樸留吟處重來滄泗橫對君兄弟話動我舅甥
情詩禮承遺訓風騷續舊盟載歌護花句深意屬

田荆

舅氏漁邨先生卒前一日有示兩君詩
云呼兒檢點家園樹好護花待放春

嘉興張廷濟未

問訊瓊城道扶風有二難橫湖新栗里華萼舊吟
壇自受韋經讀肯教姜被寒笑他其鬻豆齒冷并
心酸

圖

秋字圩邊路松楸淚萬行感時悲几席鐫集重琳
琅愁釣谿頭雪空添鏡裏霜不知殘月落幾廢蓼
莪章余嘗檢兩君鄂鞞聯吟集中有秋字圩省墓
詩及題其尊公秦溪釣雪遺照抱樸居遺集
諸什皆出至性至情
悽愴悲懷不堪卒讀
兩度衝寒渚梅花正放時未成投壘飲已挹漸遶

儀贈句繫雙壁借書虛一椀
飭簫寒食近春樹重
相思

平湖戈溫如韞石

常棣篇

常棣花整復斜昔日臥落薛今看撐檐牙徂徠新
甫不足並桐木亦莫誇韓家曉雲霽晚風清藹然
和氣鍾門庭白眉兄弟齊詩名對牀風雨夕琳琅
聯吟聲澹香醒薄醉照見蕉窗明常棣花何灼灼
上有雙飛鳥和鳴自相樂

蕭山何 麟勳臺

閉戶渾忘歲月深
紫荆花下共長吟
人稱昶顛溫如玉
我愛機雲句截金
水合雙橋隨徑轉
樹聯異幹作庭陰
融融自叶堦簾奏
不向人間覓賞音

錢唐趙振盈白亭

弟兄酬倡叶簾堦
並隱橫湖遠俗氛
宋代文章推軾轍
吳中風雅屬機雲
脊令原上真憐汝
常棣花前總憶君
而我披圖翻灑淚
年來鴻鴈悵離羣

平湖邵 澄童溪

鴛鴦橋下秋波綠蘋葉蘆花溪一曲扶風兄弟閉
門居幾點青山對茆屋連牀臥聽雨如麻朱碧牙
籤書滿家他時鼓櫂閒相訪記取庭前常棣花

仁和李紹城澹畦

兩集齊名傳軾轍一齋相對記郊庠
鴿原自昔誇雙美鄂韡于今亦競芳
餘事校書燒燭短閑情聯襪看山忙
遙知賦遂才華久不獨池塘有和章

仁和孫灝元華海

常棣詩不作兄弟情乖離友于秉至性
此誼誰能

持側聞橫湖里伯仲交相師杜門事風雅泉石恆
肩隨庭前古棠樹當春發連枝二妙吟其下音響
諧壘篋倡予復和汝其樂真怡怡花萼成新編悱
惻見乎詞一披聯吟圖式好永在茲高情不易得
令我長相思

仁和湯禮祥點山

鬪韻分題興倍加苦吟每到夕陽斜春風昨夜入
亭角先放一枝常棣花

東山兄弟有高風今日看君志趣同春草滿園吟

不盡詩情都在畫圖中

吳江郭 鳳丹叔

詩著聯吟集花開連理枝機雲同屋住軾轍對牀
時一室師兼友雙聲壘和簾橫湖湖內水合派不
分支

亦有姜家被同眠只暫時垂楊天末樹春草夢中
詩文易齊名譽貧難免別離因呼兄莫出窮老共
茅茨

仁和李 堂西齋

君家常棣樹
韡韡著花明
夢協謝池草
栽殊田氏
荆芳心通友
愛物理識枯
榮我抱鴿原
痛披圖涕
泗橫

平湖胡金題瘦山

常棣華何奕奕
鄂跗相銜悅光澤
連枝接葉垂蔭
多上有交飛脊
令翼君家兄弟
居橫湖傍湖更築
三間廬兄倡弟和聲
喁于要令沒世無羈
孤君不見田氏荆
姜氏被人間至樂
惟兄弟

嘉興蔣 浩花隱

鬱彼荆之樹

鬱彼荆之樹為海鹽馬愚庵國偉少白用俊作也愚庵少

白孝友可風蔣子作詩以美之

鬱彼荆之樹交柯揚其葩昔傳田真宅今在馬良家
馬氏有兄弟兩人嘗謂毋氏見背阿耶撫兒身
兒饑索飢兒寒索衣阿耶代毋職一一為兒勞心
神哺兒飢飽衣兒暖教兒讀書以指畫字講書書
上咸有阿耶指爪痕啗我兄弟兩人爾時尚小未
知多苦辛一旦阿耶歿地下叫不聞血淚滴耶書
抱耶遺藁存啗我兄弟兩人豈忘毋死哀耶訓常

諄諄忍使庭前荆樹枯傷我同懷骨月恩令我聞
之爲之長太息至性所致託爲歌詠語語具見真
乃知山隅海濱耕鑿樂孝友淑氣祥洽被及草木
春兄及弟兮式相好
室衍亨天地仁儀型足法
垂後昆

嘉善汪繼熊芝亭

對牀風雨迭賡酬歲歲何曾有別愁花萼集兼連
理樹相傳知各自千秋

天然相友復相師筆格詩筒伴笑嬉風義絕勝田

氏好不教枝葉感分離

海寧應時良笠湖

橫湖才子玉溪同
花萼編成一樣工
絕勝池塘春草句
吟情空寄夢魂中

一堂聚首樂天倫
歌詠還傳至性真
獨我披圖頻灑淚
可憐姜被獨眠人

平湖屈爲章敬園

花前一夕東風起
催放棠華作連理
伯歌季舞情雍雍
坐傍花枝燕且喜
朝讀看雲句暮吟
種葛篇

謝庭才藻何翩翩古人相別動相憶今子一室問
事恆隨肩濁酒可忘愁陳編差快意墨花灑落雨
冥冥對牀永矢煙霞志竭來當湖首過余披圖一
一皆瓊琚感君此誼不易得昨夜夢繞芸窗虛阿
兄當日擅風雅醉吟同倚梧桐下花謝花開只惘
然那堪愁思淚盈把先儀曹所居桐蔭書屋有老
梧一株每花發時同余吟嘯
其下如君合伴烏衣游集成華萼人間留橫湖春發
泝煙水遲我來登池上樓

山陰孫 度裴墅

五常門第本清華况復才名重八叉一卷新詩成
合璧傳抄勝似壁籠紗

擲管難題花萼樓離愁絕似韋蘇州對牀風雨聯
吟好何事圖名作宦游

嘉興葛

嵩春嶼

羨爾眉俱白花前引興長多情話風雨有句到池
塘四海交遊在千秋述作商他年編集好鄂鞞擅
名香

蘭溪諸葛構夢巖

扶風門第總妍華
結屋橫湖石徑斜
絳帳笙歌渾不愛
聯吟竟日對荆花

不覺披圖有所思
滿庭花景棣交枝
陳王枉擅風騷筆
七步翻教詠豆萁

桐鄉孫貫中古杉

橫湖門逕繼田荆
唱徹堦簾好弟兄
常棣花開明月夜
對牀燈火讀書聲

平湖陸樹蘭西廨

君不見田氏荆樹與人意
同枯榮又不見連理木

徐家兄弟方敦睦乃知瑞氣生門庭天心上應物
效靈扶風雁齒家鹽官玉昆金友飛霜翰壘篋韻
叶休徵應交柯常棣春覆闌香雲一片風簾曙知
是君家讀書處枝頭好鳥聽和鳴花底詩筒自來
去聯珠集華萼編想見對牀風雨吟新篇雙丁兩
杜盛文藻佇看並翮摩蒼天

海寧徐紹曾壽魚

凍筆慵呵抱鄰眠喜聞騷客寄筠牋鴛鴦橋畔人
雙傑棠棣花前句一編吹到壘篋高調合聽殘風

雨勝情聯離愁不惹賡酬共轉勝峨眉玉局仙

海鹽鄭伯堦雲颿

集文選句

書

白萼朱萼布葉垂陰稟澤洪幹茂彼春林 穆穆
伊人乃命厥弟樂以會興感以情起 短歌有詠
鮮侔晨葩蔚彼高藻探情以華 及爾同林樹之
形性和通箴堦雙情交映 策我良馬方驥齊鑣
造我友廬攜手逍遙 仰慕同趣清風承景載探
其芳嘉禾重穎

海寧胡爾榮蕉窗

傳來畫卷重披摹勝對張爲主客圖蘇氏才華原
合璧竇家詩句總聯珠他時價合三都重何日人
如二仲俱欲話心期遲握手相思一夜滿橫湖

滿洲景 文蘭臺

橋外湖光曲抱邨弟兄高詠一編存溪山秋好同
攜酒花樹春榮靜閉門避俗桑麻森綠野對牀風
雨逼黃昏他時補入圖經裏留得清芬到子孫

金山馬 銓雲屏

橫湖東接泖湖水搖蕩晴波三百里雁影成行落
遠汀高歌相和者誰子我亦夜雨曾連牀漏聲細
逐吟聲長一自池塘斷清夢獨絃之琴愁更張此
圖生趣何橫溢花萼玲瓏映朝日聞道幽棲大小
山春來只爲尋詩出

海寧周思兼楳坪

才子羣推大小蘇筠廬十笏傍橫湖連朝花萼新
編就開到夫移第幾株

花前拈韻句生香風雨聯吟樂未央百番彩牋同

擘處五常不獨白眉良

金山李 松晴峰

弟兄共結水雲心一榻蕭然相對吟與世無營傳
汜毓好奇有伴羨岑參月明江上征鴻度春暖庭
前碧草深莫怪披圖轉惆悵天涯翳我獨橫琴

海寧鍾大濬漱石

馬氏好兄弟

初白句

結宇依橫湖階前常棣花交蔭

長扶疎聯吟於其下鎮日聲啣晤思之輒神往安
得浮艤舫秋水直到門一訪伊人居幸有小筠筒

緘詩寄吾廬浣手一展誦風格何清腴與君論詩
品人淡應菊如久不見顏色臨風轉踟蹰

平湖錢慎松岳

雍和佳氣叶堦簾常棣春風放數枝想見蕭蕭風
雨夜聯牀翦燭共談詩

海鹽張步蟾犀谷

軟風吹客舟片帆掛斜日泛泛橫湖濱野橋維緋
纈一笑逢故人招邀入蘭室小山石齒齒嵌竇泉
漉漉洞天在尺咫斗室堪容膝庭前玉帶花亭亭

自離立兩枝本同根交柯何緜密明霞臨風舒緗
綺帶雨濕嘉樹敷麗華君子抱清質根茂實必遂
事殊理則一君家令兄弟坦懷露真率一室互倡
酬雙丁偕出入花萼交相輝詩篇積成帙至性感
草木芳名噪都邑余亦有弟昆長君中道失池草
入夢生此樂歎莫及夙昔與君友相勗在學術有
時寄我詩欲和愧荒澀有時招我遊此身苦羈繫
出宿偶一歸良會難自必佳節值元巳所喜各暇
逸勝友得得來修禊成雅集在座皆耽詩狂吟到

折聖酌酒對棣花新詩歌既翕花容亦含笑當階
枝埤塚

桐鄉沈 潮曉滄

如此難兄弟天涯有幾人却憐花解語開遍一庭
春連理看逾茂交柯老更新遙知繁蔭下吟咏日
相親

秋風鴻雁影春水鷺鷥橋料得聯吟處棠花滿院
飄何時來訪戴湖上撥雙橈羨爾家庭樂清譚擬
半宵

金山顧善五溪

數竿脩竹掩茆堂兄弟聯吟易夕陽一枕夢餘春
草長三更人靜素琴張空潭月印成雙璧仄徑花
開有異香正是連翩來鴈候欲尋騷客到江鄉

石門施成崑三

君不見田家荆樹誠猗儺木奴終遜千頭多朽薪
乃欲判同氣始念早自傷天和豈若季常好兄弟
惡木不憩栖巖阿庇其本根比葛藟施于松柏思
鳶蘿善氣旁流協植物庭前嘉樹交枝柯繁葩韡韡

韓風習習壺中清景延羲娥羲竹成林共偃仰祥
槐繞砌齊摩挲倡子和汝樂莫樂生花雙管恣吟
哦所嗟椿萱並凋謝還令杞梓空悲歌百年一室
二難合風人常棣寧殊科吁嗟乎風人常棣寧殊
科幾家如爾無偏頗無相猶兮式相好竹苞松茂
同婆娑

平湖陳曰勳薌筠

如君真古雅衆妙獨兼該庭樹識人意枝枝連理
開機雲同解舍軾轍競詩才他日龍池畔看承制

誥來

嘉善黃若濟蘭舟

壘篋迭奏足開顏樹亦交柯研席間萬事何如此
最樂幾家有願未能閒對牀穩稱去聲東西屋高隱
羣傳大小山惆悵我兄猶遠客聯吟未識幾時還

海鹽王謙亭虛谷

新詩兩卷各清奇伯仲同吹壘與篋已覺高風繼
權緯何須科第美郊禔花明樓外榮荆樹露浥階
前長桂枝况是廣微多藻思南陔應有補亡詩

平湖胡金勝東井

棣鄂何韡韡結根秦溪側上有連理枝下有聯吟

客解一朝吟棣花榮夕吟棣花秀不羨比肩里古井

雙桐覆解二我願春風吹化爲千萬枝勿使天壤間

乃有煮豆詞解三

龍游余鏗

有客有客風骨迢迢近相遇西泠舟湖光如畫暮

天裏展讀君詩味何旨從容爲我話荆枝鄂韡聯

吟樂可知披圖古道照顏色想見風雨對牀時鴛

鴛橋畔山水秀神仙福分君領取趨庭孔鯉並傳
詩舉案梁鴻還有婦因君我亦感離家春草池塘
換歲華堂上白頭倚闥望茫茫江路計程賒

烏程閔受康蓮溪

瘦聳吟肩坐短亭窗搖叢翠滴疎櫺樓頭鴈過重
題句石上落荒爲寫經滿院梧桐秋蔭綠對牀風
雨一燈青翻憐小謝工裁恨春草池塘夢易醒

吳江宋承瓛坡湖

老屋田荆守舊株橫山一角接橫湖愛他風雨聯

牀客示我煙雲潑墨圖常棣詩中炫華萼鷺鷥橋
外狎鷗鳧數椽抱樸吟廬在合把淵源溯老蘇

平湖陸敦倫軼凡

春風一夕吹繁條紛紅駭綠森林梢人間奇樹影
虧蔽乃在橫湖之陰古鹽之地名家有子生扶風
兄弟壘篋敦節義交柯疊幹舒繁英古香繚繞態
莫名至誠旁孚植物應枝成連理春暉晴朱霞嫵
娟互相結髮鬚吟聲花底出黃鸝蛺蝶漫成羣香
霧霏微散朝日丹青畫出非尋常流傳佳話遍四

方我願天將此花遍開億萬株家家友愛和而康
角弓無刺鬪牆泯含淳反樸追羲皇松柏貞歲寒
楨幹頌廟廊太和元氣共洋溢一叢絳萼爭芬芳
他時采入羣芳譜定增萬世花史之輝光

從兄 仲甫古田

暖風扇和氣吹彼常棣花花開紛爛漫掩映碧窗
紗中有聯吟者酬唱此詞葩課兒書同授欸客酒
並賒陶然足天趣舉室靜不譁寫圖聊志喜敦樸
蠲浮華願言永式好終始靡舛差紫荊樹中菱田

氏奚足誇

愚庵性若愚少白年正少壘篋迭相吹同氣復同

調雙丁

麟麟

好步趨二李

均

平堪則效繼跡鄉前輩力

學期深造譬彼花萼聯眾芳盡傾倒誰歌春令章
激烈變風操

從姪

華鼎小異

荆樹花爭放池塘夢亦春勝他風雨夜蕭瑟苦傷

神

錢唐釋禪一小顛

以下方外

題贈錄詩

華萼相輝罕與侔聯吟疊唱舊風流我今竊取誰
爲比蘇子瞻同蘇子由

脫去凡間俗骨胎翩翩風度是仙才兩君家學淵
源在袖得新編示我來

秀水釋際淵液川

入夢徵謝草析產變田荆草木本無知乃關手足
情豈其至性篤物以格精誠近有少游氏伯仲早
齊名聽雨被共擁賞花酒同傾賡唱一室間時作
堦簾鳴庭際棣萼枝忽幻交柯榮咸謂非常感喧

達古鹽城贊頌誌其異繪畫傳其禎上之賢太守
題額旌前楹而我忽增慨誰不有弟兄澗溪一派
出萁豆同根生何爲臭味別竟使水火爭愚者固
昧昧智者亦營營持此令披讀愧悔應交并願登
君子室心服白眉英

桐鄉釋乘誠書田

一水抱孤邨槐桑綠到門縹緗遺澤在兄弟道風
存雨後苔三徑花前酒一樽對牀頻翦燭汲古好
同論

錢唐釋顯潔粹白

名教之中天倫樂最真怡怡聚處伯仲壘篋鳴乘
彝純篤流溢太和氣瀾淪布濩草木爲敷榮橫湖
望族世系伏波後昆季友于肫誠跨陸丁讀書稽
古餘事工吟咏良辰美景酬倡一編成操觚豈乏
抹月批風句陶寫要皆流露真性情古道克敦家
人相率化兩株常棣枝葉忽交并乃知人事感召
爲至神法界惟心華嚴義可申發願更與坡公進
一解永締世世生生未了因

嘉善許 湘瀟客

黃花滿眼近重陽細讀詩篇旋炷香

時讀抱樸居詩并鄂韓聯

吟集庾鮑風流今復見機雲才藻古聯芳早知大雅

承家學自是和鳴起鴈行遙憶對牀風雨夜壘簾

迭奏協宮商

青浦廖雲錦織雲

以下閩秀

冰霜骨格竹梧姿擅得清超筆一枝應笑扶風鬪

講帳但能經術不能詩

斜川集本趨庭訓丁卯吟聯棣萼情一縷清思兩

美合霓裳異調有同聲

錢唐舒四德筠軒

棣鄂聯芳正未央交柯接葉滿林塘詩成自有金
昆和才大應須玉尺量十里溪山小壺嶠一門孝
友古虞唐儒林望重堪千載不羨秋江鴈幾行

平湖胡緣碧窗

常棣花何韡韡根同生枝並倚上有雙飛之脊令
下有交蔭之葛藟木再實枝必披根株爲爾添蕉
萃忍更自戕其一體嗟今之人兮何不視此而乃

蔓是圖葦是履不聞聯吟日移晷乃有白眉難兄
弟

海鹽張步諉紙田

花萼相輝樂未央底須春草夢池塘心存孝友真
無媿望重機雲未可量七步才華誇二妙千秋文
采嗣三唐羨君佳境欽君德動我思兄淚萬行

平湖孫湘畹蓀友

紫荆夜合事推田此日重吟鄂鞞篇想見高齋頻
剪燭絕勝風雨對牀眠

詩餘

嘉興李 澧篁園

賣花聲

館

吟社結璣邨誰與同羣仲吹篴和伯吹壘愛向西
堂尋草夢嬾去看雲 嘉樹百年存花萼聯芬了
無塵事到蓬門經帳不妨參客座翦燭論文

海鹽徐蓉第贅甫

望海潮

橫湖渡口鴛鴦橋畔草堂花徑深幽風雨匡牀詞

章競爽扶風雙壁清迤杞梓勝嚶求聽朗吟低唱
壘篋綢繆泉湧文思一般氣挾海潮秋 鴿原媿
我無儔悵看雲誰共步月誰酬夢草池塘栽梅莊
墅披圖羨煞風流爛漫棗花稠歎吮毫成詠韻事
長留淨几明窗擁書萬卷小諸侯

秀水朱休奕霖匡

邁陂塘

浙

漫爭誇龍文驥子雙丁兩到三孔橫湖馬氏家聲
舊又見白眉推重昆與仲宿抱樸居中姜被常同

擁池塘送夢夢春草生時語皆神助足與謝庭共
心傾久鄂韓詩篇傳誦只慙曾未吟諷芻尼昨
日簷前噪果應欵門持送牋且嗔更喜似盈懷美
玉投雙珙人中稱鳳問他日功名鵬程萬里直比
郊祁宋

海寧王丹墀水邨

少年游

和風吹去棣花妍春色夕陽邊如此橫湖徜徉足
樂其奈別愁牽 停雲遙望聯吟處春夢落燈前

風雨連牀弟兄同榻千古共纏綿

海寧釋性覺蓮岫

方外

一翦梅

高名入耳已先驚兄也豪英弟也豪英一堂雅奏
樂天倫壘也聲清篴也聲清披圖深媿未瞻衡
朝也牽情暮也牽情四時好景最關心花也聯吟
月也聯吟

仁和孫雲鳳碧梧

閨秀


減字木蘭花

題贈錄詩餘


三

山明水秀常棣庭前花並茂疊句雙聲吹入壩篋
韻更清 雲窗霧閣爭擘蠻牋吟不足風雨聯牀
却勝池塘夢草香


浙江圖書館



浙江圖書館



浙江圖書館



浙江圖書館

浙江圖書館

Blue Cyan Green Yellow Red Magenta White 3/Color Black

TIFFEN Color Control Patches

© The Tiffen Company, 2007


Centimetres

1 2 3 4 5 6 7 8 9 10 11 12 13 14 15 16 17 18 19

Inches



280118
E2912



Centimetres **TIFFEN** Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
------	------	-------	--------	-----	---------	-------	---------	-------